

ERA CRASTA

Numerò 18 · octubre - noveme 2002

Impresi sense adreça

Vielha en òbres

Des de hè quauqui dies, es vesins dera vila de Vielha e toti aqueri que i venguetz soent, auetz patit es incomoditats des òbres de melhora des carrèrs deth pòble.

Prumèrament damb eth plaçament des canalizacions deth gas, tà sajar de que Vielha dispause de gas ciutat çò mès lèu possible, e en dusau lòc damb eth talh de carretères e carrèrs peth godronatge.



Sr. Pau Perdices (Alcalde Ajuntament Vielha-Mijaran)

Voleria profiter aquest huelheton tà informar-vos un shinhau mès de çò que supausarà era gasificacion de Vielha. Er objectiu ei arténher que tot eth municipi de Vielha-Mijaran age gas e per tant de que toti es vesins se'n poguen beneficiar.

Auem començat pera Avenguda Castièro, era Avenguda Pas d'Arrò, eth Passeg dera Libertat e eth Solan, e contunharam enquia acabar toti es carrèrs deth pòble, e ara seguida se harà era installacion des auti pòbles. Eth passat dimèrcles dia 16 s'ampliren dejà es depòsits de gas de Vielha, plaçadi ath cant dera depuradora, e açò vò dèder qu'a compdar des prumèrs

dies de noveme, es vesins de Vielha poderatz començar a gaudir des ventatges deth gas ciutat.

Fòrça de vosati auetz dejà era installacion hèta en casa vòsta, e per tant sonque auratz de meter-vos en contacte damb era empresa Repsol, en burèu qu'an plaçat en carrèr Meddia, 1 de Vielha, o ben trucar tath 973 64 08 22 o tath 637 81 27 16 preguntant peth Sr. Ramon Font, tà que vos poguen informar deth prètz dera connexion e alta deth servici.



Plaçament des canalizacions deth gas en passeig de Vielha

S U M A R I

- 1 2 Vielha en òbres
- 3 Començen es activitats dera tempsada 2002/2003 en Palai de Gèu.
Adjudicacion des naus industrials
Naua oficina de joenessa
- 4 Fira de Vielha



Gandronat deth pati der estudi de Vielha

Per un aute costat, toti es que non ajatz era installacion de casa hèta auratz de contractar a ua empresa o installador oficiau tà que vos ac poguen hèr e atau connectar ath hilat generau.

Tanben auem profitat eth plaçament des canalizacions deth gas, tà aishamplir es trepaders que van des dera Plaça dera Glèisa enquiath Casau deth Jubilat



Bastiment de pèirades de reforç en riu Garona

Sò conscient de qu'es trabalhs de godronat dera Avda. Castièro, Avda. Pas d'Arró, Plaça d'Espanha e deth Pati der estudi de Vielha, an supausat fòrça problèmes tara majoria de vosati, mès tanben arregraïsqi era vòsta paciència e comprension ja que creigui qu'an estat ues molèsties tath benefici de toti.

Auratz podut veir maquines treballant ath cant der arriu Garona, a on era Confederacion Idrografica der Èbre hè ues pèirades de reforç ena confluència deth riu Nere damb eth Garona. Mes entà dauant se harà çò de madeish en Mijaran ath cant dera Ermita.



Nau pònt peatonau

Atau madeish se portarà a lòc era urbanizacion de quauqui carrèrs coma: eth carrèr Centre de Vilac, ua part deth carrèr Major d'Escunhau, eth carrèr Sant Tomàs de Casarilh e es carrèrs Santa Anna e Santa Maria de Gausac a on totes es conexions as servicis coma son aigua, lum, gas telefon, anaràn per dejós de terra.

Eth passat dijaus dia 24 d'octobre se placèc un nau pònt peatonau que va des deth carrèr Arnals enquia dauant dera Sala Polivalenta, cau dèder qu'aguest pònt existie dejà hè fòrça ans, mès era aigua se l'emportèc pendent es darrères riuades que i auec en Vielha.

Començen es activitats dera tempsada 2002/2003 en Palai de Gèu.

MÈS DE 1.200 PERSONES ENTRE MAINATGES E ADULTS S'INSCRIUEN ENA AUFÈRTA DE 43 CORSI.

Eth passat dia 7 d'octobre comencèren es activitats dirigides deth Palai de Gèu tara sason damb un gran nombre d'inscrits.

Es activitats que se realizen tàs adults son:

Natacion, Gimnastica de manteniment, Aerobic Estiraments, T.B.C.(Total Body Conditions), Funhk Steep, Tonificacion, Aquaerobic, Auquasalut, lòga Dança Contemporàna, Karate, Aikido
Tàs mainatges son programades es activitats que seguissen: Programa de natacion escolar, Corsi de natacion, Aerobic Psicomotricitat, Karate, Patinatge, Fotbòl.

ES MAINATGES: ES PROTAGONISTES

Lèu 1.000 mainatges acodissen tath Palai de Gèu entà hèr es diuèrses activitats. Sense cap de dubte, eth programa de natacion escolar ei eth de mès participacion. Realizat en coordinacion damb es estudis de Les, Es Bòrdes, Aubèrt, CEIP Garona, IES d'Aran, Arties, Gessa e Salardú, compde tanben damb era collaboracion deth Conselh Generau d'Aran tath transport e damb era subvencion der Ajuntament de Vielha-Mijaran.

Adjudicacion des naus industriaus

En plen extraordinari der Ajuntament de Vielha-Mijaran celebrat eth dia 19 de seteme de 2002, s'adjudiquèren quate des naues naus industriaus plaçades en Mijaran, as empresaris nomentadi de "Classe A", e en plen extraordinari deth dia 10 d'octobre de 2002 s'adjudiquèren es autes naus as empresaris de "Classe B".
Damb aguesta adjudicacion s'a arrenhut eth principau

Mès tanben es piscines climatizadas deth Palai son un punt d'acuelhuda des comarques vesies e atau auem es estudis de Montanuy e Pònt de Suert dera Alta Ribagorça, e adults que vien tas còrsi de natacion des de Barruera, Vilaller e Esterri d'Aneu. En totau 750 personas entre mainatges e grani aprenèràn a nadar o ben perfeccionaràn es sòns coneishiments en aguesta tempsada, ensenhadi per un equip de 7 monitors. Des de qu'eth Palai se dauric en 1994, mès de 5.000 personas an aprenut a nadar enes installacions.

Era dusau activitat mès demanada ei era Escòla de Fotbòl, que supèrè dejà es 110 inscrits. Diuèrses categories e totes es facilitats tà que poguen realizar totes es competicions de liga e copa enes que son inscrits.

Es auti mainatges, ei a dèder un totau de 990, se trapan inscrits en aerobic, karate, patinatge e psicomotricitat.

Es adults se decanten mès tàs activitats dirigides ena sala d'aerobic enes diuèrses modalitats que s'aufèrten e tanben tàs còrsi de natacion deth Palai: en totau 218 personas qu'ath contunhar dubèrta era inscripcion pòden aumentar enes pròplèu mès.

Ua animada tempsada damb activitats, festivaus, competicions e surpreses tath pròplèu an.

objectiu der Ajuntament de Vielha-Mijaran qu'ère era promocion deth solèr industriau entar establiment d'activitats permanentes e eth desplaçament des indústries de transformacion e magasematge que se desvolopen laguens des nucléus urbans d'aguest municipi, atau coma dar opcion ad aqueri empresaris que non dispausen de locau pròpri tà qu'agen un lòc a on poguen desvolopar era sua activitat.

Naua oficina de joenessa

A compdar deth mes de noveme, eth Departament de Joenessa deth Conselh Generau d'Aran daurirà es pòrtes dera naua sedença, plaçada enes baishi deth Palai de Gèu.

Des de hèr dejà un temps, eth Conselh Generau d'Aran amie a tèrme un projècte "**Plan Generau de Joenessa dera Val d'Aran**", qu'a d'èster eth marc de politica juvenil a seguir peth Conselh Generau d'Aran e es intitucions d'Aran.

Mòstra d'aguesta apòsta peth Conselh Generau d'Aran a estat era creacion deth Conselh Juvenil d'Aran -integrat per toti es agents tamb ua vinculacion dirècta en mon juvenil d'Aran-, publicacions e campanhes organizades enes estudis, era redaccion deth document deth "**Plan Generau de Joenessa dera Val d'Aran**" e en aguest moment era dubertura dera naua sedença deth Departament de Joenessa ath delà de d'autes iniciatives que s'an de realizar abantes de finau d'an. Poderatz trapar informacion sus diuèrses matèries d'interés entàs joeni (trabalh, ensenhament, lotjament, carnets,

eca.), ua petita viatgetèca e enes pròplèus dates s'abilitarà un espaci entà materiau multimèdia, publicacions juvenils d'Aran e dera rèsta de Catalonha ath delà des publicades peth Conselh Generau d'Aran, damb es objectius de poder corbir es dubtes qu'es joeni d'Aran mos poguen reflexar. Entà poder realizar es visites que desiretz, er orari d'atencion ath public en aguesta naua sedença serà de 10,00 a 13,00 ores e de 16,00 a 18,00 ores. Tanben metem ara disposicion deth joen diuèrses vies entà hèr arribar es sòns dubtes, suggeréncies o ben iniciatives.

CONSELH GENERAU D'ARAN

Departament de Joenessa

Avenguda Garona, 33 (baishi deth Palai de Gèu)
25530 - VIELHA

Tlf: 973 64 06 25

Fax: 973 64 06 26

e-mail: Joenessa@aran.org

<http://www.gencat.es/joventut/joenessa> (a partir deth mes de gèr der an 2003)

Fira de Vielha

Eth passat dia 8 d'octobre se celebrèc era Fira de Vielha, e un des actes mès destacadi siguec eth **XVI CONCORDS DE BESTIAR**, en quau i participèren un totau de 35 pagesi. Sies d'aguesti pagesi portèren bestiar vacum, 25 bestiar cavalham, 3 bestiar oelham e 2 bestiar crabum.

Es prèmis autrejadi sigueren:

Melhor vaca ath Sr. Jose Antonio Subirà

Melhor taure e melhor parelha ath Sr. Isidoro Abad

Melhor shivau ath Sr. Pablo Solé Carralero

Melhor ègua ath Sr. Jose Solé Moga

Melhor parelha de bestiar equin ath Sr. Bernard Menis

Melhor escabòt de oelhes ath Sr. Pedro Garcia

Melhor escabòt de crabes ath Sr. Joaquin Ricart.

Toti es ramaders participants receberen er incentiu economic pera sua participacion, que des de hè quauqui ans aufrís er Ajuntament de Vielha-Mijaran..



Esdejoar popular. Foto: Val Color



XVI Concors de Bestiar. Foto: Val Color



Entrèga der incentiu. Foto: Val Color

NÒTA: Se vòs participar en ERA CRASTA, ac pòs her en tot envià-mos era tua collaboracion ja sigue per
- corrèu ara adrèça **AJUNTAMENT DE VIELHA** c/ Sarriulèra 2, 25530 VIELHA, ben per Fax ath numerò
973 64 05 37 o ben per corrèu electronic, e-mail: ayuvielha@aranweb.com